

Exposiziun „Nossa scola“

L'exposiziun „Nossa scola“ vul dar in maletg sur dil scolaesser da Tujetsch. Ella fa quei entras ina stiva da scola primara, in local da scoletta d'avon onns ed ina historia dalla scola tuatschina.

Stiva da scola primara

Ella sala dil museum La Truaisch ei vegniu endrizzau ina stiva da scola primara sco ella veseva ora biars onns tochen varga la mesadad dil 20avel tschentaner. En egl dattan specialmein ils bauns originals cun plaz per quater ni dus scolars. Sin els e suten sillas crunas ein deponi ils cudischs da lectura e da quen naven dall'emprema entochen l'otgavla classa. En memoria da biars ein aunc las differentas fiblas cun illustraziuns fascinontas ed il cudisch dalla secunda classa cun il raquent tschaffont „Sigisbert en Rezia“. En ina pintga cruna davon la fatschada dils bauns ein las tablas da scriver deponidas, sin las qualas ils scolars dallas empremas classas scrivevan lus exerchezis cun greffels ch'ei medemamein avon maun sin ils bauns. Sper quels ein ils models cun plema per scriver cun tenta ch'ei en in guoter dasperas. Ils cudischs d'emprender tudestg e dils ulteriurs roms e differentes catechismus ein deponi sin duas crunas dalla vart seniastra dalla stiva da scola. Leu ein era ils carnets da lavur che cuntengan specialmein interessants concepts che valan la peina da leger. Era dessegns, skizzas geograficas ed attestats dattan perdetga dall'activitad dils scolars d'antruras.

Davontier ei ina gronda tabla, il pult dil scolast ed ulteriurs requisits. Interessanta ei la chista da lenn che surveva sco turnister. Vid la preit ei ina tenda, sin la quala differentas fotografias ed enzacons films davart la veta da scola san vegnir projectai.

Sin las preits dallas varts ein numerusas fotografias da scola ni da classas pendidas si. Il diember ei per ordinari fetg gronds, magari tochen 50. Interessanta ei era la vestgadira, sco p. ex. las rassas liungas dallas buobas sils vegls maletgs. La pli veglia fotografia datescha digl onn da scola 1893/94. Diversas fotografias da classas ein reproducidas en plirs carnets, nua ch'ils visitaders han la pusseivladad da nudar ils nums dils scolars ch'els enconuschan.

Local da scoletta

En in local ell'emprema alzada dil museum ei vegniu installau ina scoletta d'avon onns. Sin las bassas measas ein differentes giugs d'ina gada ed objecs ch'ils scolars fagevan en quellas scolettas deponi. Sillas preits ein differentas fotografias da scolarets pendidas si. Las mummas han la pusseivladad da vegnir cun lur affons en quei local e schar far termagls els alla moda veglia. Ei vegn ad esser interessant da constatar, co ils affons dad oz van entuorn cun ils vegls termagls.

Historia dalla scola tuatschina

En in carnet accumpignont per l'exposiziun cun il tetel „Tujetsch, historia dalla scola“ dat Tarcisi Hendry ina survesta detagliada sur dil scolaesser da nossa vischnaunca. Igl interessant text sin 93 paginas vegn sluccaus da differentas fotografias e copias da vegls documents.

Igl emprem document dall'esistenza d'ina scola en Tujetsch ei da 1643. Denton existeva ina certa scola gia daditg avon. Ils scolasts eran da lezzas uras il plevon ni il caplon. Els instruevan ils scolars en leger e scriver a calur ni en casas privatas. Cun l'entschatta dil stadi svizzer 1848 han il cantun e las vischnauncas entschiet ad organisar il scolaesser. En Tujetsch baghegian differentes vitgs naven da 1848 casas da scola. Igl ei interessant da perseguitar lur svilup.- Ils scolasts eran laics ed havevan per gronda part gudiu ina scola corrispundenta e vegnevan finanziaj entras differentes fondos en vischnaunca. Cul temps han il cantun e la vischnaunca surpriu quella obligaziun. In grond pass anavon ei la fundaziun dalla scola secundara stada igl onn 1908, tochen 1962 a Camischolas e suenter ella scola nova a Sedrun.

In aspect informativ da quella scartira ei l'enumeraziun dils scolasts e scolastas che han instruiu en Tujetsch e dils commembers dil cussegl da scola.

Ausstellung „Unsere Schule“

Die Ausstellung „Unsere Schule“ will einen Einblick in das Schulwesen von Tujetsch gewähren, indem sie ein Schulzimmer und einen Kindergarten früherer Zeiten zeigen und eine geschichtliche Übersicht über das Schulwesen unserer Gemeinde vorstellen will.

Das Schulzimmer

Im Museumssaal „La Truaisch“ ist ein altes Schulzimmer einer Primarklasse aus der ersten Hälfte des 20. Jahrhunderts eingerichtet worden. Auffallend sind die Bänke für zwei oder vier Schüler. Darauf und auf den Gestellen darunter sind die Lese- und Rechenbücher der ersten bis zur achten Klasse untergebracht. In guter Erinnerung sind noch die verschiedenen Fibeln mit den eindrücklichen Illustrationen sowie das Lesebuch der zweiten Klasse mit der ergreifenden Erzählung „Sigisbert en Rezia“. An der vorderen Wand der Bänke sind Schiefertafeln aufgestellt, auf denen die jungen Schüler ihre Übungen mit Griffeln schrieben. Auf den Bänken sind auch Federhalter mit Schreibfedern und Tintenfässer vorhanden. Die Lehrmittel für den Deutschunterricht und die übrigen Fächer sowie die Katechismen sind auf den zwei Gestellen auf der linken Seite des Saales aufgestellt. Dort sind auch frühere Arbeitshefte mit lesenswerten Aufsätzen, Zeichnungen, geografische Skizzen und Zeugnisse abgelegt.

Vorn sind eine grosse Wandtafel, ein Lehrerpult und andere Requisite. Interessant ist die Holzkiste, welche die Funktion eines Tornisters hatte. An der Wand ist eine Leinwand, worauf Fotografien und Filme aus dem früheren Schulleben projiziert werden können.

An den Seitenwänden sind zahlreiche Schul- und Klassenfotografien, die von der grossen Anzahl Schüler und deren interessanten Kleidung Zeugnis ablegen. Die älteste Fotografie datiert vom Schuljahr 1893/94. Verschiedene Fotografien sind in einigen Heften reproduziert, wo die Besucher die Namen der bekannten Schüler notieren können.

Der Kindergarten

In einem Zimmer im ersten Stockwerk des Museums wird ein früherer Kindergarten vorgestellt. Auf den niedrigen Tischen sind verschiedene einstige Spiele und von den damaligen Kindern gebastelte Gegenstände abgelegt. An den Wänden sind verschiedene Kindergärtnerfotografien aufgehängt. Die Mütter können ihre Kinder in diesem Lokal spielen lassen. Es wird interessant sein, festzustellen, wie die Kleinen mit diesen alten Spielsachen zurechtkommen.

Geschichtliche Übersicht über das Schulwesen von Tujetsch

In einer Begleitschrift für die Ausstellung mit dem Titel „Tujetsch, historia dalla scola“ gibt Tarcisi Hendry eine ausführliche Übersicht über das Schulwesen unserer Gemeinde. Der informative Text von 93 Seiten wird durch verschiedene Fotografien und Kopien alter Dokumente aufgelockert.

Das erste Dokument über die Existenz einer Schule in Tujetsch stammt vom Jahr 1643. Aber eine gewisse Schule bestand schon länger. Die Lehrer waren damals die Pfarrer oder die Kapläne, welche die Schüler in ihrem Haus oder in einer privaten Stube im Schreiben und Lesen unterrichteten. Mit der Gründung des schweizerischen Staates von 1848 übernahmen der Kanton und die Gemeinden die Organisation des Schulwesens. In Tujetsch bauten verschiedene Dörfer seit 1848 Schulhäuser, deren abwechslungsreiche Entwicklung in dieser Schrift dargestellt ist.- Die Lehrer waren Laien und hatten meistens eine entsprechende Ausbildung. Sie wurden von verschiedenen Fonds finanziert. Mit der Zeit übernahmen der Kanton und die Gemeinde diese Aufgabe. Ein grosser Fortschritt bedeutete die Gründung der Sekundarschule 1908. Ihr Sitz war Camischolas bis 1962, nachher wurde sie im neuen Schulhaus von Sedrun integriert.

Ein aufschlussreicher Aspekt dieser Schrift ist die Aufzählung aller Lehrkräfte, die in unserer Gemeinde gewirkt haben und aller Mitglieder des Schulrates.